



CH-7144 Vella, 13 da fevrer 2019

## Novitads dalla suprastanza communal Lumnezia

La suprastanza communal Lumnezia ha approbau las suandontas fatschentas:

### Vischnaunca da pilot per il sistem da votar electronic e-voting

La suprastanza communal ha decidu da separticipar al project e-voting sco vischnaunca da pilot. La fasa d'introducziun cuozza tochen la fin 2019. Naven dil 2020 san las empremas votaziuns vegnir fatgas a moda digitala per e-voting. La pusseivladad da votar en scret resta vinavon.

### Surdadas incaricas da lavur

- a. Sanaziun dil providement d'aua a Brel/Degen:
  - Lavurs d'inschignier alla fatschenta Cavigelli Ingenieure AG, 7130 Glion
  - Lavurs d'impressari alla fatschenta L. Candrian SA, 7130 Glion
- b. Sanaziun dalla via Sutvitg (davos scola) a Vella:
  - Lavurs d'inschignier alla fatschenta Cavigelli Ingenieure AG, 7130 Glion
  - Lavurs d'impressari alla fatschenta L. Candrian SA, 7130 Glion

### Sustegns finanziaals

- Alla Musica Greina, Vrin per l'uniformaziun nova

### Conclus dalla radunonza communal Lumnezia dils 14 da december 2018

Dalla radunonza communal Lumnezia dils 14 da december 2018 han las votantas ed ils votants priu ils suandonts conclus:

- approbau il preventiv da quen 2019 cun cuosts da CHF 14'975'010 ed in recav da CHF 15'195'789, che resulta en in surpli da recav da CHF 220'779 e concediu cheutras il credit necessari per il quen economic.
- approbau il preventiv per il quen d'investiziun 2019 cun expensas da CHF 8'989'500 ed entradas da CHF 1'810'900, che seresulta in surpli d'expensas da CHF 7'178'600.
- decidu da schar il pei da taglia communal per entrada e facultad tuttina sco igl onn 2018 sin 105% dalla taglia cantunala sempla sin entrada e facultad.
- concediu in credit supplementar da CHF 204'000 per la sanaziun dalla via Puzzatsch – Parvalsauns
- approbau la midada dil contract da participaziun dils 19 da mars 2008 denter il cantun Grischun, las vischnauncas da concessiun (Panaduz, Flem, Ilanz/Glion, Lumnezia, Stussavgia, Sagognm, Schluen, Tamins, Trin, Val), e las societads partenarias dalla OEZ (Sernf-Niedererbach Energie AG, Glarus Süd / Alpiq Suisse SA, Lausanne / Axpo Power AG, Baden), tenor supplement 1 cun remplazzar ils art. 2.4, art. 4.1 lit. b e c.;
- approbau la cunvegrientscha davart la valeta restonta dils implonts el mument dalla devoluziun per las investiziuns da renovaziun sin fundament dallas basas per ina cunvegrientscha davart la valeta restonta, la gliesta dallas investiziuns fatgas entochen ils 31-12-2016, la gliesta dallas investiziuns planisadas per parts electricas dils implonts 2017 – 2037, la gliesta dallas investiziuns planisadas per parts hidraulicas dils implonts 2017 – 2037.

### Termins radunonzas communalas Lumnezia pigl onn 2019

22 da mars 2019 (refiers dils 15 da mars 2019 pervia d'ina collisiun da termins)

14 da zercladur 2019

04 d'october 2019

13 da december 2019